



PAENITENTIARIA APOSTOLICA

Prot. N. 54/12/I

DECRETUM

PAENITENTIARIA APOSTOLICA, vi facultatum sibi specialissimo modo a Sanctissimo in Christo Patre et Domino Nostro, Domino Benedicto Divina Providentia Papa XVI tributarum, Excellentissimo Episcopo Urbevetano-Tudertino, aut alii Praelato cardinalitia vel episcopali dignitate insignito, diebus XIII Ianuarii MMXIII et XVI Novembris MMXIV, quibus sollemniter aperietur et claudetur Sancta Porta Urbevetanae Cathedralis Basilicae, in DCCL Bullae "Transiturus" anniversario, post litatum divinum Sacrificium, impertiat omnibus christifidelibus adstantibus, qui, animo omnino elongato ab affectu peccati, iisdem sacris interfuerint, *papalem Benedictionem cum adnexa plenaria Indulgentia*, suetis sub condicionibus (sacramentali Confessione, eucharistica Communionem et Oratione ad mentem Summi Pontificis) lucranda.

Christifideles qui *papalem Benedictionem* devote acceperint, etsi, rationabili circumstantia, sacris ritibus physice non adfuerint, dummodo ritus ipsos, dum peraguntur, ope instrumenti televisifici vel radiophonici propagatos pia mentis intentione secuti fuerint, *plenariam Indulgentiam*, ad normam iuris, consequi valebunt.

Contrariis quibuslibet non obstantibus.

Datum Romae, ex aedibus Paenitentiarie Apostolicae, die XIII mensis Martii, anno Domini MMXII.

Card. M. Monteiro de Castro

EMMANUEL S. R. E. Card. MONTEIRO DE CASTRO
Paenitentiarius Maior

+ Ioannes Franciscus Girotti
† Ioannes Franciscus Girotti, O.F.M. Conv.
Regens